

何大復先生集

第六冊

卷之二十五

七言律詩六十六首

卷之二十六

七言律詩六十三首

卷之二十七

七言律詩五十七首

卷之二十八

五言絕句七十首

六言律詩二首

六言絕句六首

七言絕句五首

卷之二十九

七言絕句九十七首

何大復先生集



何大復先生集卷二十五

五世姪孫源洙字魯存

六世姪孫維基字培菴

七世姪孫輝少字誦芬

男八世姪孫永謙字遜齋

同校訂

重梓

七言律詩六十六首

生子

兩歲歸來生兩雛故園夫婦亦相娛
盧家自愛添丁好徐氏誰言二子殊
未論圖書能繼業且教門戶有懸弧
劬勞正念吾親在更遣悲歡此日俱

溪上

溪上茅齋不掩扉西風初罷芰荷衣月寒沙柳蕭蕭
落天晚江鴻肅肅飛野客哦詩水邊立家人沽酒夜
深歸相逢醉語休辭數城外黃花漸覺稀

無題

豔舞嬌歌出絳紗黃金不惜教琵琶鴛鴦本是雙棲
鳥菡萏元開並蒂花紫玉豈忘韓重侶綠珠寧負李
倫家多情自古還多恨腸斷春風巷柳斜

次韻荅莊國賓見訊

多病無能合罷官清時那敢獨求閑遠沙月出明如

水高樹雲來暗似山已恨緇塵侵素服不教青鏡老
紅顏美人歲暮勞相問叢桂山中祗自攀

贈潁川張子辰秀才

聞君已是青雲翼萬里飛騰竟若何縱有當時許由
耳莫教更洗潁川波麒麟自掣黃金鎖騶裊終鳴白
玉珂知爾匣中雙寶劍塵埃他日為誰磨

荅雷長史四首

每誦清詞動我愁山中歲暮若為酬因攀桂樹遙相
憶欲寄梅花可自由萬里江湖雙涕淚百年天地幾

九後集 卷二十一 五
交遊誰憐舊日中朝客謫向玉門半白頭

二

玉壘青城萬里山亦知歸興滿鄉關沙邊返照寒將
斂江上行雲晚未還道路南來多壅隔雲霄北望少
追攀曳裾受簡皆清事莫向滄浪羨我閒

三

汝上相逢歲已長故人官况近荒涼天涯白髮催遲
暮客裡清尊送夕陽賈誼功名終負漢馬卿詞賦尚
遊梁看君尺素遙相慰况是羊何有和章

四

十載寒氈鄭畫師風流文采更堪思
朱門鼓瑟官仍逐青殿揮毫出每逢
百里風烟還薄暮孤城雨雪已多時
極知歲晚傷心切起傷宮梅自詠詩

送馬公順視學湖南四首

關中人物從來盛況汝才名天下稀
得路驂騮看獨步出塵鷹隼羨高飛
十年京洛猶今日萬里江湖更落暉
同是燕臺舊遊客可堪相見又相違

二

九
行
集
卷
二
三
三
洞庭雲夢眼中寬
襄國荆門掌上看
三楚樓臺皆壯
驟萬年江漢自波瀾
烟花白日空愁暮
鴻鴈青春尚
避寒莫道秦川歸未得
人間今日路行難

二

兩年懷抱值君開
聞說京華首重回
天上故人難再
見世間岐路轉堪哀
孤舟落日三江口
逐客浮雲萬
里臺南斗尺書相望
切暮天鴻鴈幾時不

四

武昌南望盡雲沙
楚岸湘亭更好花
桃李百城開士

館星河中夜傷仙槎南宮書畫新連舫吏部文章舊
滿家直北五雲天更遠欲從何處望京華

王君宿邀蔡大尹過予舍至期雨候蔡不至作
詩促之

招邀數費主人迎枉顧何慙令尹情祇為泥途妨出
郭未應風雨却寒盟雲間不見仙鳬下花外如聞駿
馬鳴玉舄凌空休更怯銀鞍傷險亦須行

讀李子長嶽詩有感

北朝宮闕已陵夷南渡衣冠更亂離誤國始知金櫓

冊蒙塵空嘆翠華旗龍爭虎鬪中原破海倒江翻萬
古悲猶是昔時歌舞地風塵今日淚還垂

早春眺望

山郭輕寒細雨開水邊沙迳獨徘徊艱難世事棲田
里潦倒年華斷酒盃晚日殘霞皆自媚白梅青柳遞
相催茅堂春色無人見迸淚看花日幾回

感春

羸病江湖春意生清沙遲日眺

一作照

孤城綠堤塹柳

葉相暗隔屋山桃花獨明萬里江天雙起鴈誰家園

樹亂鳴鶯風光物色元非惡觸目經心偏苦情

寄五清先生

地北天南一寄聲楚山蜀道兩關情他鄉歲月仍羈
旅故國風塵尚弔兵張翰本非思王鱸謝安終不忘
蒼生遥瞻山斗徒勞仰苦恨江湖不易行

懷西涯先生

六省尚書第一班兩朝元老領千官空教外國聞裴
度未見東山起謝安歸去朝廷公望重老來湖海路
行難兵戈此日交馳檄將帥何時議築壇

寄希哲望之二兄

東風悵別十年懽
北斗愁臨五夜看
海內君親情獨苦
天涯兄弟見俱難
孤城落日黃鸝暮
紮塞青春旅鴈寒
君夢可曾回故里
予心終日在長安

寄任司訓

江湖不見任公子
風雨常懷老鄭虔
異域親朋皆萬里
故鄉花柳又新年
青春已共浮雲去
白日難同逝水還
為道故人從別後
一身顛顚淚雙懸

寄馬君卿固安

絃歌今作王畿宰辭賦元傾上國人
易水塵沙連雨雪漢家樓觀接星辰
交期祗望雲間履生計猶慙海上
綸寇盜縱橫朋舊隔江湖此日淚盈巾

雨中留蔡黃二親

門巷泥深過客難百年聊共此盤餐
浮雲落日山河暮細雨青春樓閣寒
近夜蛟龍還入浦久陰鴻鴈更移灘
年華滾滾相逢少莫厭扳留到夜闌

清明日上先祖并兄墓

城西鬱鬱見佳城駐馬山頭悵獨行
萬古松楸此邱

壠百年花柳又清明音容地下空成夢骨月人間益
愴情更望老親封塋地恨隨春草一時生

袁惟武邀客泛舟夜下次韻

春水逶迤碧樹邊滿筵賓客醉開船情親不厭頻來
往語笑何妨更接連遶岸星河天共轉近城鐘鼓夜
初傳人間此會真非易荏苒春風為爾憐

葉四公子西園

邀客西園公子家東風二月已飛花巷遮碧柳行春
馬樓倚青山落暮鴉移席尊壘遙出浦入舟燈火更

依沙清吟况接同鄉彥應有文星動水涯

張太守宅同賈長教會集

遲日香風細細廻招邀更喜廣文陪
千年又下南州榻二月同傳北海杯
午院雲陰移几席春城雨色映樓臺
三鱣五馬皆高客獨愧江鷗共往來

春興

東風回首即殘春日日清江愁白蘋
壯去雲霄無道路西來天地有烟塵
身經貴賤知交態事到安危憶古人
却喜故園桃李樹花開又見一回新

袁冲霄先生同惟學過訪

風起高城春日斜
相留肯醉野人家
白雲對酒看山色
青草題詩到水涯
隔岸鳴鶯深坐樹
傍樓飛燕故穿花
竹林萬古追遊地
二阮風流未足誇

同高鐵溪先生劉朝信兄宿賢隱寺次韻

雨過青山暮色來
僧堂客至燭花開
半空樓閣星河動
滿院松梧鶴鶴回
浮世黃塵兼赤日
古人白骨已蒼苔
兵戈此際同盃酒
愁聽春城鼓角哀

袁惟學南園

樹裏行盃坐日斜池邊立馬聽鳴鴉苔陰雨暮寒青
竹水色春深靜白沙開徑蓬蒿無俗客入城花柳似
山家百年懷抱君應識不是淹留為物華

登謝臺

故國蕭條登此臺暮雲春色轉相催蓬蒿滿地悲風
起樓觀當空倒影來山鳥不隨歌舞散野花曾傷綺
羅開今來古往無窮事萬載消沉共一哀

楊花

三月楊花裊裊白憂人淚點暗中拋漫天撲地有何